

Deo optimo maximo uni & trino, Virgini Deiparæ, & sancto Lucae orthodoxorum Medicorum Patrono.

## QUÆSTIO MEDICA.

Quodlibetariis disputationibus, manè discutienda in Scholis Medicorum, die Jovis decimâ-quartâ Januarii.

M. JACOBO SIMONE GILLES DE LA RIVIERE, Doctore Medico, Præfide.

*An hydropice pregnantis tuta xg̃z̃ap̃is?*

**I**NTERTURBATAM chylosis œconomiam quod sequitur vitium, hæmatoseos depravatæ nomen habet. Quod depravatam hæmatosim cum superflua humiditate totum aut illius partes tumefaciente hydrops communiter vocatur: errant proculdubio, qui propriæ, hepatis potius quam sanguinis massæ diathesi ascribunt illud morbi genus; is in mortales ita sævit aliquando grassaturve, ut mulieri etiam prægnanti haud parcat: hanc autem propagationem naturalem licet implicitam videas. Quibusvis tamen contra naturam affectibus obnoxia redditur, hydropi præsertim, ob nimiam quâ tunc temporis scæat ejusdem cruoris massâ, crudorum succorum redundantiam; adeo ut juxta simul ac præter naturæ leges prægnans sit mulier foetu & foeturâ hydropicâ: morbus est hydrops in auctâ supra modum magnitudine, vel totius corporis vel quarundam partium. Hujus tres assignantur species, anasarca, ascites, tympania. Prima phlegmate per carnosum genus sub cutem effuso, atque intra glandularum poros, fibrarumve interstitia velut inuncato tumefacit totam molem corporis. Secunda veri (de quo hic præcipue audimus) hydropis nomine indigitata, aquosi serosique humoris affluxu viscerum cavitates implens aluinæ regionis capacitatem adauget. Tertia & ultima (hydrops siccus) immerito vocata, non flatuum intervenitu (hujus sanè morbi effectus, magis quam causâ) sed partium membranarum inflatione spasmodicâ abdomen violenter distendit, hætericarumve passionum fidelis comes, aut afflata, eandem cum ipsis agnoscit causam, spirituum nempe animalium huc illuc per fibras nerveas impetuosam irruptionem: cujuscunque curationi incumbere quisquis voluerit, prius causas scrutetur diligenter, hæque citò ac jucundè debellent.

**H**YDROPEM in communi exterioræ sæpius generant causæ, ut alimenta dyspeptæ; vehementes tum corporis, tum animi motus statim à pastu, larga meri potio, haustus aquæ, aliuvie liquoris nimius, isque frigidus, dum viscera summè æstuant: hæc omnia pravam in sanguine *hydroem* inducunt, humores exinde factos craïiores, ac heterogeneos non amplius valent secernere coloratoria, succique nutritii recreandis partibus inepti absolute refluant per vasâ, versus peripheriam corporis, aut regionem alvi. Ubisædam excrementorum *Smelas* promovent: ab intemis verò plerumque hydropicus producit affectus siccioris videlicet tumoribus, gangliis, tuberculis, aliisve præter naturam concretionibus, circa renes, menseserit glandulas, hepar, lienem, uterum & alia quævis viscera; hinc in istis locis vasâ obstrui, vel fortiter comprimi necessum est: Propterea sanguis in suo circuitu præpeditus quoquo modo reduci queat; pars tenuior & crudior prius per urinas amandabilis relicta ejusdem compage viam sibi molitur extra vasâ: nec immunes etiam à causis manent, febres quartana, icterus, chlorosis, cachexia, immodicæ, per nares, menstrua, hæmorrhoides, aut phlebotomiam in febribus ardentibus sanguinis vacationes, quæ interdum hydrops supervenit. Cruor enim longâ depressione laborans hoc est particulis activioribus sanguificis jamdiu expers, succum nutritium massæ suæ jugiter infusum, nec ritè fermentare, nec ut antea fibinet assimilare potest, sed in latum aquosum ferè omnem pervertit finit; is deinde paulatim per dehiscencia vasorum oscula in carniū poros, aut viscerum cavitates effunditur: hydropis causas, ut & symptomata, corporis segnitium, ejusve colorem vitiatum à cacochymia dominio, dyspnœam, sitim, anorexiam, lentam febrem, seledissimis non rarò præfidiis vix obtemperantia, xg̃z̃ap̃is citius tutiusque sanabis.

**K**AΘΑΡΞΙΣ eorum quæ qualitate simul ac quantitate peccant, vacuatio. Mitiori vel vehementiori pharmaco solet institui, illud naturis delicatioribus (quales fœminæ prægnantes) conveniens citra ullum molestiæ sensum; Intra primas vias vim suam exerit vicinas duntaxat superfluitates cum alvi fecibus, sensum foris abripiendo; hoc verò robustiora quidem temperamenta (ut viros) spectans, non sine tumultu & perturbatione quâdam obvios ubicunque humores aggreditur, atque de locis remotioribus, in intestinorum cavitates exundare facit. Dicitur absurdum foret medicamina ulla, ob substantiæ similitudinem, insitiquæ familiaritate (uti fabulatur medicorum vulgus) determinatos quosdam humores attrahendo, hos peculiare dein expurgare, ratio siquidem autopsiæ innixa, nos docet vim omnem catharticonum diversæ potius, tùm in visceribus irritatiōis, tùm fermentationi eorumdem, cum sanguine aliisve humoribus referri, juxta quod particulas sulphureo salinas, habent, volatiles magis, aut fixas, lenes, aut aciores, inde consequenter promptæ, vel tardæ sunt operationis, defectiones etiam modò serosas, modo biliosas excitant pro variâ corporum constitutione, humorumve crasi, porrò legitimis purgandi modis, ut remediū genere, qualitate, & utendi ratione constituitur; ita ex affectûs specie, remediū species innoteſcit. Ex illius magnitudine, ejusdem quantitas seu dosis, ex partium tandem conditione, humorumve peccantium situ, viæ per quas, citò, tutò, ac jucundè eliminentur perveſtigandæ.

**O**MNIS hydrops in prægnante maximi semper ponderis, ac momenti: etenim præter varia, quæ graviditatem sequi solent incommoda, ut nausæas, vomitus, cardialgias, animi deliquia, ventris ac lumborum cruciatus, cephalalgias pertinaces, crurum debilitatem, lassitudines, aliaque bene multa; diros adhuc malignitatis suæ procreat symbolos; hinc v. g. tussis adveniens, malum censetur à Medico (judice Hippocrate) transudante quidem in pectus, mox in fauces seroso humore, suffocationis brevi inducit periculum: *Afferat ipse licet sacras epidaurius herbas*: Huic exacta debetur curandi methodus duas potissimum velut fundamenta habens indicationes, collecti scilicet serosi laticis vacationem, alteriusve novi prohibendam generationem: prohiberi potest humoris dicta generatio, partim sicco, & attenuante victu, partim assumptis, nutritioni dicatas partes corroborantibus præfidiis, ac collectus humor, per alvum magis, quam per sudores, aut urinas, blandioribus reverà catharticis eliminari postulat. Quare incipienti hydropi aquosus alvi fluxus superveniens solvit morbum\*: solo namque hoc vacationis genere, mediantibus quidem porulis vasorum, glandularumve ubique in intestinorum cavitates dehiscientium, promptius exhauritur serosa illuvies, foras deinceps per unam amandanda; sicque melioribus agrotantis rebus curatio succedit: prælatis igitur venæ sectione, si nimia sit sanguinis effervescencia, enematis, si dura alvi regio; diureticis quoque, si versus renes ac vesicam magna feri urgeat quantitas: in qualibet hydropis specie, mitiora tutò cathartica prægnanti præscribere potis est.

**C**ONCESSAM hydropi xg̃z̃ap̃is, quis in arte medendi tam peregrinus ut credat, graviditatem respuere: Ecquid mirum? Putet nè, (ut aiunt) à qualibet corporis concussionē abortivum sæpius promoveri puerperium: apprimè audiat celebre illud (divini senis) effatum: prægnantes à quarto ad septimum mensem purgandas esse; modò turgeant in iis humores\*: Itaque cum hydropicæ prægnantis corpus totum, vel abdomen, & ipse uterus, cacochymia feri, tùm in vasis, tùm extra vasâ quantitate sint turgida; serum insuper tenue ac mobile, ex leviori causâ organum concipiens, facile cedat succutienti pharmaco: tuto quolibet gestationis tempore hujus redundantiam benignè vacuabis (mannâ, v. g. sambuco, pulvere cornachini, resinâ jalappæ, agarico &c.) natura siquidem convenientibus hisce irritata catharticis, in superfluas & gravantes tot humiditates eliminandas statim incumbens genio suo non defraudatur; imo totam corporis habitus, aut regionis alvi laburram, sensum sine sensu exonerat: alioqui mulier jam factus pondere obruta, ni contentorum præter naturam, fluxu excretorio levaretur, graviore deinceps cederet oneri, solus quippe à redundantis feri colluvie (& matri & foetui) extinctionis superest metus. Vel saltem imbutis jamdiu ferro, atque laxatis utri membranis ac ligamentis, evidens abortus periculum imminet: artis igitur beneficio, hoc est catharticos pluries adhibita intervenitu: tot tantaque præcauentur symptomata; mulier prægnans ab illo præternaturali sublevaretur onere; ut à naturali tandem, secundum naturæ leges, liberari valeat.

*Ergo hydropice pregnantis tuta xg̃z̃ap̃is.*

DOMINI DOCTORES DISPUTATURI.

M. Antonius le Clerc.  
M. Petrus Jacquemier.  
M. Philippus Hecquet, Pharmacia Professor.

M. Joannes-Baptista Chomel.  
M. Honoratus Michelet.  
M. Josephus Pitton Tournesort.

M. Petrus Paulus Guyart.  
M. Franciscus le Rat.  
M. Ludovicus Labbé.

Proponebat Parisiis MICHAEL LUDOVICUS RENEAUDE DE LA GARANNE, Blesensis, Baccalaureus Medicus, è Regiâ scientiarum Academiâ. A. R. S. H. 1700.